

ՏՊԱՎՈՐՈՒԹՅՈՒՆՆԵՐ

Հա՛, կյանքում ես միշտ այսպես եմ եղել,
 Խնդացող տխուր, սրտաբեկ ուրախ,
 Հազիվ ուզել եմ անհոգ ծիծաղել
 Եվ սրտիս խորքից հառաչել եմ «ա՛խ»:

- 5 Գարնան երկինք է իմ դժբախտ հոգին –
 Մերթ մուժ ամպամած, մերթ մեղմ ու պայծառ,
 Եվ տարերքների ուժով ահագին
 Շափառուկները ճընշում են իրար:

- Իմ հոգին էլ այն երկնքի նման,
 10 Որ ծավալվում է ձեր գլխի վերև,
 Զեզ անհայտ, գաղտնի տեսնում է շատ բան
 Եվ մոտ, և՛ հեռու, և՛ փայլուն, և՛ սև:

- Շեշտակի թափով, բուռն ու մոլեգին
 Ամենայն կողմից ցողանում, հոսում,
 15 Լցվում են նրանք իմ անտակ հոգին
 Եվ ալեկոծում, շարշարում, հուզում:

- Ես հազար աչքով բաներ եմ տեսնում,
 Որ թաքնված են լուսթյան ետև,
 Հազար ականջով ձայներ եմ լսում,
 20 Որ դեռ սրտերում շշուկ են թեթև:

Եվ ամեն կողմից ձայներ ու ձայներ,
Քնքուշ, կատաղի, թախծալի, զվարթ...
Եվ ես ընկնում եմ, համբառնում եմ վեր,
Անզուսպ մոլեգնում կամ ծփում հանդարտ:

25 Լրբենի մի ձայն,- և ինչպես մորրիկ
Վազում է արյունս իմ երակներում,
Պայթում է սիրտս, և օձի նման
Բարձրանում եմ ես, թշշում, գալարվում:

Մի ձայն էլ ահա,- տկար, խղճալի...
30 Եվ ես փոխվում եմ նորից ու նորից,
Ահ, Աստված, Աստված, իմ փոթորկալի
Հոգին տանջվում է այսքան ձայներից: